



نگهداری از اطفال ده برنامه زیبون انگلیسی بلده مهاجرین بزرگسال (Adult Migrant) (English Program)

آیا شومو بلده شرکت کدو ده صنف های برنامه زیبون انگلیسی بلده مهاجرین بزرگسال AMEP به نگهداری اطفال (چایلد کیپر) ضرورت درین؟ وقتی که شومو ده برنامه AMEP استن، چایلد کیپر مجانی بلده اولادای زیر سن مکتب شومو، قابل دسترس است.

موسسه خدماتی AMEP شومو کوشش مونه یک چایلد کیپر بلده شومو فراهم کنه که ده بین ۳۰ دقیقه فاصله از خانه یا از صنف AMEP شومو بشه. اما ای کار ممکن استه امکان پذیر نبشه. موسسه خدماتی AMEP تمام تلاش خوره مونه که نزدیک ترین چایلد کیپر ره بلده شومو پیدا کنه.

موسسه خدماتی AMEP، چایلد کیپر ره وقتی فراهم مونه که ده وخت شروع کورس AMEP شومو برابر شونه. اونا کوشش مونن روزهایی ره که شومو ده کلاس استین، تامین کنه. بعضی وقتا ممکنه، ای امکان پذیر نبشه چون جای های چایلد کیپر محدود و تقاضا بلده از ونا بالا استه. بعضی وقتا، جای فوراً دسترس نیسته یا جای چایلد کیپر نیمه وقت پیشنهاد موشه. ده او صورت، شومو باید منتظر بومانید تا روزهای زیافتتر قابل دسترس شونه.

چایلد کیپر مجانی تنها وقتی فراهم موشه که شومو ده صنف AMEP شرکت مونید. اما بلده فعالیت هایی خارج از وقت صنف AMEP نیسته. وقتی که شومو ده صنف AMEP شرکت نمونید، و یا درس خوده خلاص کدین، باید خودگون شومو بلده اولادای خو چایلد کیپر ترتیب ببیدین. اگه اولاد یا اولادای شومو بلده هر مقدار زمان ده چایلد کیپر شرکت نمونه، مهم استه که شومو موسسه خدماتی AMEP خوره خبر کنید ازو خاطر که همو وقت گرفته شده بلده اولادای شومو، ده یک روز دگه تنظیم شونه.

اگه از صنف های AMEP زیاد غیر حاضر بشین، موسسه خدماتی ممکنه جای چایلد کیپر شومو ره لغو کنه. اما اگه به AMEP پس بایین، به چایلد کیپر مجانی دوباره دسترسی پیدا مونید. اما به هر حال، شومو شاید منتظر بومانید تا دوباره جای بلده طفل ده چایلد کیپر خالی شونه.

وقتی بررسی نیاز های چایلد کیپر شومو، موسسه خدماتی AMEP ممکنه چندین گزینه ره بلده شومو پیشنهاد کنه تا ببینید درس های خوره هر چی زود که امکان دره شروع کنید. به طور مثال، شاید از شومو پراسان شونه که:

- ده یک مرکز اجتماعی درس بخوانید که ده همونجی چایلد کیپر درن
 - یک کمی زیافتتر از ای که میخوایین سفر کنید.
 - تا یک جای ده چایلد کیپر خالی موشه، از طریق درس از راه دور یا معلم خانگی، درس بخوانید.
- اگه ترتیبات چایلد کیپر نیاز های شومو ره پوره نمونه، باید قجیغه موسسه خدماتی AMEP خو ده ای باره توره بوگید.

چایلد کییر (Child Care) ده پروگرام انگلیسی بلده مهاجرین بزرگسال

بلده مالومات زیافتز ده باره چایلد کییر، لطفا قنحیغه موسسه خدماتی AMEP خو گپ بیزنید.